

منطقي

منطقي لما يبقى يتيم و أمى ويبقى سيد العالمين
منطقي الحُسَّاد هتكثر و العدا و الكارهين
و اللى هييقولك ده شاعر
و اللى هييقولك دا ساحر
و اللى هييقولك دا كافر
واللى يكتب و اللى يرسم
و اللى يكذب و اللى يشتم
منطقي

هى غيره
زى غيره الوليد بن المغيرة
!مش كان هيسلم؟
بس حاجه فى نفسه حَكَّتْ
كبره خلَّى نفسه شَكَّتْ
أصل داء الكبر ده أكبر خطر
!بس يعنى الجَنَّة تَعْمَرُ وحدها؟
حَبَّه فى الجنة و نعيمها
وَحَبَّه فى سقر
منطقي

و منطقي لما يبقوا المسلمين حالهم كدا
تطلع ضوافر للعدا
مادمت مش زارع بإيدك غلتك
و الجوع قرص على معدتك .. فا ذَلَّتْكَ
مادمت متشتت و تايه فى الكلام
!فين الودان اللى هتسمع شكوتك؟
و منين يجيلك و ش تحمق و لا تغضب
!ولا ترفع كلمتك؟

هما مش قاصدين يهينوا المصطفى بحبة صور
هما عارفين إن سَيِّدنا النبى سيد البشر
هما قاصدينك و قاصديني و قاصدين كل جيلنا
و طول ما يَنْكَسِلُ و تَفَرَّق و بندارى الحقايق
لسه ياما راح يجيلنا
أما سيدنا النبى ربه كافيه
يستَهزِئوا مِنِّنا إحنا
أما هو رَبُّه صاينه و مصطفىه

لو كانوا حضروه كانوا عرفوا يرسموه
كانوا هيسموه بعدله و بسماحته و بهدوءه

كانوا شافوا إن الصحابه بتلحق الميه اللى نازله من وضوه
لو كانوا لحقوه كانوا عرفوا يرسموه

إحنا ما رسمناش نبينا فى العيون
إحنا فهمناهم إن الدين بتاعنا لا فيه علوم ولا فيه عمل
ولا فيه أدب ولا فيه فنون
اتلهينا باحنا كنا و احنا كنا
و نمنا فى اللى راح يكون

بس احنا فوقنا
بجد أسفينك و راجعينك
شعبك نشيط عامل و صافى و تقى
زيك يا سيدنا النبى يابو قلب طاهر نقى
أما اللى واكلاهم غيرتهم فا ده منطقى